

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
GRAD ZENICA  
GRADSKO VIJEĆE

Na osnovu člana 21. tačka 5. Statuta Grada Zenica ("Službene novine Grada Zenica", broj: 5/15) i člana 39. Poslovnika Gradskog vijeća („Službene novine Grada Zenica", broj: 4/17), Gradsko vijeće Zenica na 7. sjednici održanoj dana 22.02.2021. godine, donijelo je

**PROGRAM MJERA**  
**za unapređenje poljoprivredne proizvodnje u 2021. godini na području Grada Zenica**

**UVOD**

Članom 26. Zakona o poljoprivredi ("Službene novine Federacije BiH", broj: 88/07, 04/10 i 07/13) propisano je da jedinice lokalne samouprave mogu osigurati novčane podrške za razvoj poljoprivrede, te u skladu sa istim u Budžetu Grada Zenica za 2021. godinu, obezbijedena su sredstva u ukupnom iznosu od 570.000,00 KM. Na ovaj način se nastavlja kontinuirano izdvajanje budžetskih sredstava za poljoprivredu na području Grada Zenica.

Programom mjera za unapređenje poljoprivredne proizvodnje u 2021. godini na području Grada Zenica (u nastavku teksta: Program) podstiču se poljoprivredni proizvođači na proizvodnju poljoprivrednih proizvoda za vlastite potrebe kao i za potrebe tržišta, kako bi obezbjedili egzistenciju sebi, svojoj porodici, te ostvarili dodatne prihode.

Prilikom izrade Programa uvažavane su sljedeće činjenice:

1. Kontinuitet podsticajnih mjera i iskustva iz realizacije istih u 2020. godini.
2. Resursni kapaciteti iz oblasti poljoprivrede na području Zenice.
3. Sugestije i prijedlozi poljoprivrednih udruženja i otkupljivača sa područja grada Zenice.
4. Iznos odobrenih sredstava za ovaj Program iz Budžeta Grada Zenica za 2021. godinu.

Specifični ciljevi Programa su:

- povećanje obradivih površina i intenziviranje poljoprivredne proizvodnje,
- stvaranje tržišno orijentisanih poljoprivrednih proizvođača,
- formiranje poljoprivrednih gazdinstava,
- očuvanje i proširenje stočnog fonda,
- olakšavanje samozapošljavanja u poljoprivredi i smanjenje stope nezaposlenosti na području Grada,
- razvoj ruralnih područja.

Po usvajanju ovog Programa, Služba za privredu i upravljanje razvojem će putem sredstava javnog informisanja obavijestiti poljoprivrednike o aktuelnim podsticajnim mjerama, kao i kriterijima koji moraju biti ispunjeni da bi podsticajna sredstva bila odobrena.

## OPĆI KRITERIJI

Pravo na dobijanje poticaja u skladu s Programom mjera mogu ostvariti poljoprivredni proizvođači:

1. Koji imaju zemljište na području Grada Zenice ili graničnim općinama s Gradom Zenica, izuzev pčelara.
2. Porodična poljoprivredna gazdinstva i fizička lica (obrtnici kojima je poljoprivreda osnovna, dodatna ili dopunska djelatnost), koji su upisani u Registar poljoprivrednih gazdinstava i Registar klijenata (u daljem tekstu: RPG i RK) u Gradu Zenica do 31.03.2021. godine. Podnosioci zahtjeva koji su upisani do 31.12.2020. godine, moraju imati ažurirane podatke u RPG i RK sa 31.03.2021. godine.
3. Lica koja blagovremeno podnesu zahtjev za podsticaj s potrebnom dokumentacijom i ispune sve propisane kriterije.
4. Zahtjev za jednu ili više vrsta proizvodnje podnosi nosilac poljoprivrednog gazdinstva (za svaku vrstu proizvodnje podnosi poseban zahtjev), a za istu proizvodnju ne može ostvariti podsticaj po dva osnova. Podnošenje zahtjeva se vrši u predviđenim rokovima za svaku vrstu podsticaja. Zahtjev će sadržavati sljedeće podatke: prezime i ime, mjesto stanovanja, telefon, JMB, broj tekućeg računa banke, tačnu vrstu proizvodnje za koju podnosi zahtjev, kao i ostale dokumente koji su predviđeni za svaku pojedinačnu vrstu proizvodnje.
5. Svaki podnosilac zahtjeva će potpisati izjavu o tačnosti podataka na propisanom obrascu. Ukoliko se prilikom kontrole utroška poticajnih sredstava utvrdi da korisnik nije dao tačne podatke, isti će biti isključen iz Programa poticaja Grada Zenica u narednih 5 godina.
6. Svi podneseni zahtjevi moraju biti u skladu sa ažuriranim podacima iz RPG i RK (brojem parcele/a, izjavama-ugovoru o korištenju zemljišta, ukoliko nije u vlasništvu podnosioca zahtjeva, površinama pod prijavljenom kulturom i sl.). Služba za privredu i upravljanje razvojem će službeno provjeriti ažuriranje podataka i uporediti ih sa podnesenim zahtjevom.
7. Ispunjavanje kriterija u svakom pojedinačnom slučaju će utvrđivati komisija za podsticaje u poljoprivredi imenovana od strane Gradonačelnika. Nakon provjere dokumentacije, sačinjavanja zapisnika, ukoliko se na terenu ne može uraditi kontrola, komisija na osnovu podnesene dokumentacije obračunava visinu pojedinačnih sredstava za svakog korisnika. Po odobravanju sredstava ista će biti uplaćena na tekući račun korisnika.
8. Podnosioci zahtjeva koji ne ispune propisane kriterije i ne podnesu zahtjeve u propisanom roku biti će pismeno obavješteni o razlozima zbog kojih su odbijeni.

Odobrena sredstva u gore navedenom iznosu će se utrošiti za sljedeće oblasti na način kako je u nastavku teksta predloženo.

<b>NAZIV PODSTICAJA</b>		<b>Planirani iznos sredstava za 2021. godinu (KM)</b>
<b>A/1</b>	<b>Podsticaj za biljnu proizvodnju</b>	<b>214.000,00</b>
1.1	Proizvodnja jagodičastog voća	88.000,00
1.2	Proizvodnja povrća na otvorenom	13.000,00
1.3	Proizvodnja povrća za otkup	20.000,00
1.4	Proizvodnja krmnog bilja	8.000,00
1.5	Proizvodnja u zaštićenom prostoru	25.000,00
1.6	Podrška proizvođačima koji imaju tržišne viškove iz 2020. godine	60.000,00
<b>A/2</b>	<b>Podsticaji za animalnu proizvodnju</b>	<b>285.000,00</b>
2.1	Proizvodnja mlijeka	185.000,00
2.2	Obnova stada u ovčarstvu	35.000,00
2.3	Pčelarstvo	45.000,00
2.4	Podsticaj proizvođačima pilećeg mesa i konzumnih jaja	20.000,00
<b>B</b>	<b>Model kapitalnih ulaganja u poljoprivredi /finansiranje i sufinansiranje</b>	<b>71.000,00</b>
B1	Refundacija troškova po osnovu doprinosa za registraciju srodne djelatnosti u poljoprivredi (osnovna djelatnost) - novoregistrovani	2.000,00
B2	Proširenje proizvodnje u oblasti poljoprivrede	24.000,00
B3	Sufinansiranje nabavke nove mehanizacije, priključaka, aparata i druge opreme u poljoprivredi	14.000,00
B4	Projekti sa donatorima	25.000,00
B5	Podsticaj za certificiranje organske proizvodnje	500,00
B6	Podsticaj za proizvođače slatkovodne ribe	1.500,00
B7	Ugovorene obaveze prema korisnicima iz 2019. i 2020. godine	4.000,00
	<b>UKUPNO</b>	<b>570.000,00</b>

Ukoliko se planirana sredstva po vrstama novčanih podsticaja iz objektivnih razloga u cijelosti ili djelimično ne iskoriste, ista se mogu preusmjeriti s jedne stavke na drugu unutar Programa mjera.

## **A. PODRŠKA POLJOPRIVREDNOJ PROIZVODNJI**

### **A1 BILJNA PROIZVODNJA**

Maksimalno mogući ukupni iznos podsticaja poljoprivrednim proizvođačima - fizičkim licima za biljnu i animalnu proizvodnju (tačke A/1 i A/2) iznosi 2.000,00 KM, a fizičkim licima koja imaju registrovanu poljoprivrednu djelatnost (kojima je to osnovna ili dodatna djelatnost) maksimalni iznos podsticaja iznosi 10.000,00 KM.

#### **A 1.1 Proizvodnja jagodičastog voća**

Pravo na podsticaj imaju proizvođači jagodičastog voća koji:

- imaju zasađeno minimalnu površinu od jednog dunuma;
- proizvedu i predaju registrovanom otkuplivaču minimalno 500 kg jagodičastog voća.

Visina podsticaja iznosi:

- do 0,18 KM/kg predatog voća za proizvođače koji su registrovali poljoprivrednu djelatnost kao osnovnu ili dodatnu;
- do 0,14 KM/kg predatog voća za proizvođače koji su registrovali poljoprivrednu djelatnost kao dopunsku;
- do 0,12 KM/kg predatog voća za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Ugovor o otkupu voća (na ime podnosioca zahtjeva) sklopljen s registrovanim otkuplivačem/prerađivačem (orginal/ovjerena kopija).
2. Otkupne blokove ili potvrdu (na ime podnosioca zahtjeva) za predatu količinu od otkuplivača s kojim je sklopljen ugovor (orginal/ovjerena kopija).
3. Kopiju potvrde o otvorenom bankovnom računu.
4. Ovjerenu izjavu o tačnosti podataka.
5. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama ne starije od 30 dana od dana predaje zahtjeva.

Rok za podnošenje zahtjeva je 29.10.2021. godine.

Predviđena sredstva: 88.000,00 KM.



### **A 1.2 Proizvodnja povrća na otvorenom**

Podsticaj ostvaruju poljoprivredni proizvođači koji su prijavili proizvodnju jedne ili više povrtlarskih kultura na svojim parcelama:

- minimalno zasijana/zasađena površina od 2 dunuma krompira (povrće treba biti na jednoj ili maksimalno dvije fizički odvojene parcele);
- minimalno po jedan dunum ostalog povrća (luk, mrkva, grah, grašak itd.).

Visina podsticaja :

- do 100 KM/dun za proizvođače koji su registrovali poljoprivrednu djelatnost kao osnovnu ili dodatnu;
- do 70 KM/dun za proizvođače koji su registrovali poljoprivrednu djelatnost kao dopunsku;
- do 60 KM/dun za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasijano/zasađeno povrće ne stariju od jedne godine (orginal ili ovjerenu kopiju).
2. Ovjerenu izjavu o tačnosti podataka.
3. Kopiju potvrde o otvorenom bankovnom računu.
4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospelim poreskim obavezama ne starije od 30 dana od dana predaje zahtjeva.

Rok za podnošenje zahtjeva je 01.06.2021. godine.

Predviđena sredstva: 13.000,00 KM.

### **A 1.3 Proizvodnja povrća za otkup**

Podsticaj ostvaruju poljoprivredni proizvođači koji su prijavili proizvodnju na svojim parcelama:

- imaju minimalno zasađenu površinu od 1 dunuma povrća;
- proizvedu i predaju registrovanom otkupljivaču proizvedeno povrće.

Visina podsticaja je:

- do 0,20 KM/kg za proizvođače koji su registrovali poljoprivrednu djelatnost kao osnovnu ili dodatnu;

- do 0,15 KM/kg za proizvođače koji su registrovali poljoprivrednu djelatnost kao dopunsku;
- do 0,10 KM/kg za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Ugovor o otkupu povrća (na ime podnosioca zahtjeva) sklopljen s registrovanim otkupljivačem/prerađivačem (original/ovjerena kopija).
2. Otkupne blokove ili potvrdu (na ime podnosioca zahtjeva) za predatu količinu od otkupljivača s kojim je sklopljen ugovor (original/ovjerena kopija).
3. Ovjerenu izjavu o tačnosti podataka.
4. Kopiju potvrde o otvorenom bankovnom računu.
5. Podnosioci zahtjeva koji imaju registrovanu poljoprivrednu djelatnost dužni su dostaviti Uvjerenje o izmirenim dospjelim poreskim obavezama ne starije od 30 dana od dana predaje zahtjeva.

Rok za podnošenje zahtjeva je 17.09.2021. godine.

Predviđena sredstva: 20.000,00 KM.

#### **A 1.4 Proizvodnja krmnog bilja**

Pravo na podsticaj imaju poljoprivrednici koji su zasnovali proizvodnju krmnog bilja i prijavili proizvodnju na svojim parcelama odnosno koji su:

- zasijali krmno bilje na površini od 3 dunuma do 20 dunuma,
- zasijali krmno bilje u 2021. godini na najviše dvije fizički odvojene parcele

Visina podsticaja je:

- do 80,00 KM/dun za proizvođače imaju registrovanu poljoprivrednu djelatnost kao osnovnu ili dodatnu;
- do 50,00 KM/dun za proizvođače koji su registrovali poljoprivrednu djelatnost kao dopunsku;
- do 40,00 KM/dun za proizvođače koji nemaju registrovanu poljoprivrednu djelatnost.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasijano krmno bilje, ne stariju od jedne godine (original ili ovjerenu kopiju).
2. Račun za kupljeno sjeme od registrovanog proizvođača sjemenskog materijala ili preduzeća registrovanog za promet sjemenskog materijala na ime podnosioca zahtjeva.
3. Deklaraciju o kvalitetu sjemenskog materijala (kopija).

4. Ovjerenu izjavu o tačnosti podataka.
5. Kopiju potvrde o otvorenom bankovnom računu.
6. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama ne starije od 30 dana od dana predaje zahtjeva.

Rok za podnošenje zahtjeva je 01.09.2021. godine.

Predviđena sredstva: 8.000,00 KM.

#### **A 1.5 Proizvodnja u zaštićenom prostoru**

Pravo na podsticaj imaju poljoprivredni proizvođači koji se bave proizvodnjom u zaštićenom prostoru i prijavili su proizvodnju na svojim parcelama odnosno:

- Imaju plastenike minimalne površine 200 m<sup>2</sup>,
- imaju proizvodnju u plasteniku.

Visina podsticaja je:

- do 2,00 KM/m<sup>2</sup> plastenika koji su registrovali poljoprivrednu djelatnost kao osnovnu ili dodatnu;
- do 1,50 KM/m<sup>2</sup> za proizvođače koji su registrovali poljoprivrednu djelatnost kao dopunsku;
- do 1,30 KM/m<sup>2</sup> plastenika koji nemaju registrovanu poljoprivrednu djelatnost.

Maksimalna površina koja će se podsticati je 700 m<sup>2</sup>.

Uz zahtjev za podsticaj podnosilac treba dostaviti sljedeću dokumentaciju:

1. Kopiju katastarskog plana parcele na kojoj je zasijano/zasađeno povrće, ne stariju od jedne godine (original ili ovjerenu kopiju).
2. Ovjerenu izjavu o tačnosti podataka.
3. Kopiju potvrde o otvorenom bankovnom računu.
4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama ne starije od 30 dana od dana predaje zahtjeva.

Rok za podnošenje zahtjeva je 01.06.2021. godine.

Predviđena sredstva: 25.000,00 KM.

#### **A 1.6 Podrška proizvođačima koji imaju tržišne viškove iz 2020. godine**

Prema preporukama viših nivoa vlasti, zbog pandemije izazvane koronavirusom, zasijane su velike površine povrćem što je stvorilo tržišne viškove proizvoda, a posebno krompira i luka. Na 5. sjednici Gradskog vijeća usvojena je inicijativa da se poljoprivrednim proizvođačima koji imaju viškove krompira i crnog luka pomogne u rješavanju istih. U skladu

sa ovom inicijativom i razgovorima sa predstavnicima Udruženja penzionera Grada Zenica upućen je poziv poljoprivrednim proizvođačima koji imaju viškove krompira, crnog luka i jabuka da prijave količine koje posjeduju u resornu službu.

Na osnovu gore prikupljenih podataka i potreba iskazanih od strane Udruženja penzionera Grada Zenica od poljoprivrednih proizvođača će se preuzeti sljedeće količine:

- krompir cca. 100.000 kg po cijeni od 0,40KM/kg pakovan u vrećicama po 10 kg
- crni luk cca. 20.000 kg po cijeni od 0,65 KM/kg pakovan u vrećicama po 2 kg
- jabuke cca. 4.000 kg po cijeni od 0,80 KM/kg u gajbama

Kriteriji koji su potrebni za ovu vrstu podrške su :

1. Da je poljoprivredni proizvođač za proizvodnju, u kojoj ima tržne viškove u 2020. godini, istu prijavio u RPG i RK.
2. Da su poljoprivredni proizvodi zdravstveno ispravni, bez vidljivih oštećenja, bez klica, bez primjesa zemlje i drugih primjesa koji mogu narušiti kvalitet proizvoda.
3. Da predaju svoje proizvode na skladište Grada Zenice - Streljana i to pakovane u mrežaste PVC vreće gdje će na svakoj vreći biti upisano: ime, prezime i adresa proizvođača (krompir i luk).

Distribuciju prikupljenih gore navedenih proizvoda će vršiti Udruženje penzionera Zenice po svojim kriterijima. Udruženje penzionera je dužno u roku od 30 dana po preuzimanju poljoprivredni proizvoda podnijeti izvještaj Službi za privredu i upravljanje razvojem sa spiskovima korisnika koji su dobili iste.

Rok za realizaciju: 26.02.2020. godine

Planirana sredstva: 60.000,00 KM

## **A2 ANIMALNA PROIZVODNJA**

### **A 2.1 Proizvodnja mlijeka**

Pravo na podsticaj imaju proizvođači mlijeka:

- koji imaju potpisan važeći Ugovor o otkupu mlijeka za 2020. godinu sa registrovanim otkupljivačem mlijeka i predaju preko 500 l;
- čije su krave obilježene ušnim markicama i imaju mliječne kartone;
- čije krave su ispitane od strane ovlaštene veterinarske stanice na zarazne bolesti.

Za ovu proizvodnju podsticaji će se isplaćivati kvartalno i to za I, II, III kvartal te oktobar i novembar 2021. godine kao i decembar 2020. godine iz Programa za 2021. godinu, dok će se podsticaj za proizvodnju mlijeka za decembar 2021. godine isplatiti iz Programa za 2022. godinu.

Visina podsticaja je:

-0,10 KM/l koji su registrovali poljoprivrednu djelatnost kao osnovnu ili dodatnu,

-0,08 KM/l za proizvođače koji su registrovali poljoprivrednu djelatnost kao dopunsku,  
-0,06 KM/l koji nemaju registrovanu poljoprivrednu djelatnost.

Uz zahtjev za podsticaj u I kvartalu podnosilac treba dostaviti sljedeću dokumentaciju kao i podnosilac koji prvi put podnosi zahtjev za podsticaj neovisno za koji kvartal ili mjesec u 2021. godini:

1. Dokaz o ispitivanju grla na zarazne bolesti – Prilog V (ovjerena kopija).
2. Važeći Ugovor o otkupu mlijeka s registrovanim otkupljivačem (kopija).
3. Ovjerenu izjavu o tačnosti podataka.
4. Kopiju potvrde o otvorenom bankovnom računu.
5. Potvrdu o otkupljenoj količini mlijeka po kvartalima izdatu od registrovanog otkupljivača svježeg kravljeg mlijeka.
6. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama ne starije od 30 dana od dana predaje zahtjeva.

Podnosioci koji su predali urednu gore navedenu dokumentaciju, u narednim kvartalima kao i za mjesec oktobar i novembar dostavljaju samo ovjerenu potvrdu o otkupljenoj količini mlijeka.

Rok za podnošenja zahtjeva je:

- za decembar 2020. godine i I kvartal 2021. godine do 16.04.2021. godine
- za II kvartal 2021. godine do 16.07.2021. godine
- za III kvartal 2021. godine do 15.10.2021. godine
- za oktobar i novembar 2021 do 10.12.2021.godine

Predviđena sredstva: 185.000,00 KM.

## **A 2.2 Obnova stočnog fonda u ovčarstvu i kozarstvu**

Pravo na podsticaj imaju proizvođači koji se bave ovom granom stočarstva i to:

- na stado od 50-250 ovaca ili 25-100 koza,
- za obnovu stočnog fonda ostave 30% (od ukupnog broja matičnog stada) ženskih jagnjadi ili ženskih jarića.

Visina podsticaja je:

- do 10,00 KM/grlu za obnovu (ovčarstvo), koji su registrovali poljoprivrednu djelatnost kao osnovnu ili dodatnu;
- do 7,00 KM/grlu za obnovu (ovčarstvo) koji nisu registrovali poljoprivrednu djelatnost
- do 8,00 KM/grlu za proizvođače koji su registrovali poljoprivrednu djelatnost kao dopunsku;
- do 15,00 KM/grlu za obnovu (kozarstvo), koji su registrovali poljoprivrednu djelatnost;

- do 10,00 KM/grlu za obnovu (kozarstvu) koji nisu registrovali poljoprivrednu djelatnost;
- do 12,00 KM/grlu za proizvođače koji su registrovali poljoprivrednu djelatnost kao dopunsku.

Uz zahtjev za podsticaj podnosilac treba dostaviti sljedeću dokumentaciju:

1. Potvrdu da su sva grla iz stada obilježena i upisana u jedinstveni Registar domaćih životinja u skladu sa Pravilnikom o obilježavanju životinja za grla označena u tekućoj godini (ovjerena kopija).
2. Potvrdu da su jagnjad/jarići vakcinisani protiv bruceloze (ovjerena kopija).
3. Ovjerenu izjavu o tačnosti podataka.
4. Kopiju potvrde o otvorenom bankovnom računu.
5. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama ne starija od 30 dana od dana predaje zahtjeva.

Rok za podnošenje zahtjeva je 30.09.2021. godine.

Predviđena sredstva: 35.000,00 KM.

### **A 2.3 Pčelarstvo**

Pravo na podsticaj imaju pčelari koji:

- posjeduju od 15 - 100 košnica
- su registrovani u jednom od udruženja pčelara Grada Zenica

Visina podsticaja:

- iznosi do 10,00 KM po košnici za podnosiocje zahtjeva koji su registrovali poljoprivrednu djelatnost kao osnovnu ili dodatnu;
- iznosi do 7,00 KM po košnici koji nisu registrovali poljoprivrednu djelatnost;
- iznosi do 8,00 KM po košnici za proizvođače koji su registrovali poljoprivrednu djelatnost kao dopunsku:

Uz zahtjev za podsticaj podnosilac treba dostaviti sljedeću dokumentaciju:

1. Originalnu potvrdu izdatu od strane Udruženja pčelara kojom se potvrđuje da podnosilac zahtjeva član Udruženja.
2. Ovjerenu izjavu o tačnosti podataka.
3. Kopiju potvrde o otvorenom bankovnom računu.
4. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama ne starije od 30 dana od dana predaje zahtjeva.

5. Veterinarsku potvrdu od nadležne veterinarske stanice o broju košnica i zdravstvenoj ispravnosti pčela/kopija za tekuću godinu.
6. Pčelari čije se pčele nalaze na teritoriji druge općine/opštine, prilažu ovjerenu kopiju rješenja o odobrenju za smještaj pčelinjaka.

Rok za podnošenje zahtjeva je 01.06.2021. godine.

Predviđena sredstva: 45.000,00 KM.

#### **A 2.4 Podsticaj proizvođačima pilećeg mesa i konzumnih jaja**

Pravo na podsticaj imaju proizvođači koji:

- imaju registrovanu srodnu djelatnost – obrt u poljoprivredi kao osnovnu djelatnost;
- imaju po jednom turnusu minimalno 5.000 pilića;
- imaju 500 koka nosilica.

Visina podsticaja iznosi do 0,10 KM/piletu za četiri turnusa, a do 1,0 KM/koki nosilici.

Uz zahtjev za podsticaj podnosilac treba dostaviti sljedeću dokumentaciju:

1. Ugovor o plasmanu brojlera s registrovanim pravnim licem za preradu brojlerskog mesa-ovjerena kopija.
2. Kopiju rješenja o dodjeli veterinarskog kontrolnog broja - ovjerena kopija.
3. Kopiju rješenja o registraciji obrta - ovjerena kopija.
4. Dokaz o nabavci pilenki, a koje se nalaze u fazi nošenja jaja - ovjerena kopija.
5. Ovjerenu izjavu o tačnosti podataka.
6. Kopiju potvrde o otvorenom bankovnom računu.
7. Uvjerenje o izmirenim dospjelim poreskim obavezama ne starije od 30 dana od dana predaje zahtjeva.
8. Dokaz o nabavci jednodnevnih pilića - ovjerena kopija.

Rok za podnošenje zahtjeva je 30.07.2021. godine.

Predviđena sredstva: 20.000,00 KM

#### **B. SUFINANSIRANJE KAPITALNIH ULAGANJA U POLJOPRIVREDI**

**B1 Refundacija troškova obaveznih doprinosa (PIO, zdravstveno osiguranje i osiguranje od nezaposlenosti) za registraciju srodne djelatnosti - obrta u poljoprivredi kojima je to osnovna djelatnost**

Podsticaj za samozapošljavanje u poljoprivredi kroz refundaciju gore navedenih doprinosa će se realizovati u naredne tri godine tako da se za novoregistrovane (u 2021. godini) gore navedeni troškovi refundiraju u iznosu od 100%, u drugoj godini 50% i trećoj godini 25% od ukupnog iznosa.

Podnosioci zahtjeva moraju biti upisani u Registar poljoprivrednih gazdinstava i Registar klijenata kao nosioci i posjedovati minimalno jednu od navedenih vrsta životinja ili se baviti jednom od navedenih proizvodnji, što će komisija utvrditi na terenu:

- minimalno 2 muzne krave,
- minimalno 5 grla tovnih junadi,
- minimalno 50 ovaca,
- minimalno 25 koza,
- minimalno 5.000 tovnih pilića,
- minimalno 500 koka nosilica,
- minimalno 5 rasplodnih krmača,
- minimalno 30 tovnih prasadi,
- minimalno 30 pčelinjih društava,
- minimalno 200 m<sup>2</sup> plastenika ili staklenika,
- minimalno 2 dunuma pod jagodičastim voćem,
- minimalno 3 dunuma intenzivnih zasada visokostablašica (jabučasto, koštičavo i jezgrasto voće).

Uz zahtjev za podsticaj podnosilac treba dostaviti sljedeću dokumentaciju:

1. Ovjerenu kopiju Rješenja o registraciji djelatnosti-poljoprivreda (osnovna djelatnost).
2. Uvjerenje da pravni subjekat (Farma , Obrt, itd.) nema neizmirenih obaveza po osnovu poreza i doprinosa original ili ovjerenu kopiju ne starije od 30 dana od dana objavljivanja Javnog poziva.
3. Ovjerenu izjavu podnosioca zahtjeva da će nakon potpisivanja Ugovora registrovanu djelatnost održavati u trajanju od najmanje 36 mjeseci.
4. Obavještenje o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku-Kantonalni ured Zenica).
5. Potvrdu o otvorenom aktivnom računu.

Grad Zenica će s odabranim podnosiocima zahtjeva potpisati ugovore kojima će biti regulisani međusobni odnosi.

Troškovi ovih doprinosa će biti uplaćivani sukcesivno na kraju svakog mjeseca nakon dostavljenog obrasca na kojem su vidljive uplate obaveznih doprinosa.

Rok za podnošenje prijave je 30 dana od objavljivanja Javnog poziva.

Predviđena sredstva za ovu namjenu su 2.000,00 KM.

## **B2 Proširenje proizvodnje u oblasti poljoprivrede**

Ovim sredstvima predviđeno je finansiranje proširenja poljoprivredne proizvodnje za fizička lica koja imaju registrovanu poljoprivrednu djelatnost kao osnovno ili dodatno zanimanje po Zakonu o obrtu i srodnim djelatnostima.

Podsticajna sredstva po korisniku iznose maksimalno 3.000,00 KM. Odobrena novčana sredstva se mogu utrošiti za nabavku životinja, plastenika i sadnog materijala. Korisnici ovih sredstava mogu biti samo registrovani obrti kojima ova sredstva nisu odobrena i dodijeljena u prethodne tri godine.



Podnosioci zahtjeva moraju biti upisani u Registar poljoprivrednih gazdinstava i Registar klijenata i posjedovati minimalno jednu od navedenih vrsta životinja ili se baviti jednom od navedenih proizvodnji:

- minimalno 2 muzne krave,
- minimalno 5 grla tovnih junadi,
- minimalno 50 ovaca,
- minimalno 25 koza,
- minimalno 5.000 tovnih pilića,
- minimalno 500 koka nosilica,
- minimalno 5 rasplodnih krmača,
- minimalno 30 tovnih prasadi,
- minimalno 30 pčelinjih društava,
- minimalno 200 m<sup>2</sup> plastenika ili staklenika,
- minimalno 2 dunuma pod jagodičastim voćem,
- minimalno 3 dunuma intenzivnih zasada visokostablašica (jabučasto, koštičavo i jezgrasto voće).

Uz zahtjev za podsticaj podnosilac treba dostaviti sljedeću dokumentaciju:

1. Ovjerenu kopiju Rješenja o registraciji djelatnosti-poljoprivreda (osnovna ili dodatna djelatnost).
2. Uvjerenje da pravni subjekat (Farma , Obrt, itd.) nema neizmirenih obaveza po osnovu poreza i doprinosa - original ili ovjerenu kopiju ne starije od 30 dana od dana objavljivanja Javnog poziva.
3. Ovjerenu izjavu podnosioca zahtjeva da će odobrena novčana sredstva namjenski utrošiti i registrovanu djelatnost održavati minimalno 24 mjeseca.
4. Predračun/ račun o nabavci (kupovini).
5. Obavještenje o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku-Kantonalni ured Zenica).
6. Potvrdu o otvorenom aktivnom računu.

Grad Zenica će sa odabranim podnosiocima zahtjeva potpisati ugovore u kojima će biti regulisana međusobna prava i obaveze.

Jedan poljoprivredni proizvođač može biti korisnik samo jednog podsticaja, pozicije B1 ili B2 (zadnje tri godine).

Rok za podnošenje zahtjeva je 30 dana od objavljivanja Javnog poziva.

Predviđena sredstva za ovu namjenu 24.000,00 KM.

### **B3 Sufinansiranje nabavke nove mehanizacije, priključaka, aparata i druge opreme u poljoprivredi**

Pravo na korištenje ovih sredstava će imati poljoprivredni proizvođači koji nabave ili su nabavili dolje navedenu opremu u periodu od 01.09.2020. do dana podnošenja zahtjeva, a da:

- podnosioci zahtjeva niti članovi domaćinstva nisu koristili ovu vrstu podsticaja od Grada Zenice u 2020. godini, osim onih koji su nabavljali UV plastičnu foliju za plastenike;
- imaju mjesečna primanja po članu domaćinstva do 500 KM.

Dolje navedena mehanizacija i oprema će se sufinansirati:

1. Traktori, motokultivatori, balirke za sijeno, samohodne kosačice, kopačice, freze i priključci:
  - u iznosu do 50% vrijednosti nabavljene mehanizacije i priključaka (maksimalan iznos podsticaja je do 5.000,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu ,
  - u iznosu do 30% vrijednosti nabavljene mehanizacije i priključaka (maksimalan iznos podsticaja je do 3.000,00 KM) za poljoprivredne proizvođače koji su nisu registrovali poljoprivrednu djelatnost.
  
2. Aparati za mužu krava:
  - u iznosu do 50% vrijednosti nabavljenog aparata (maksimalni iznos podsticaja je do 500 KM) za poljoprivredne proizvođače koji su registrovali poljoprivrednu djelatnost,
  - u iznosu do 30% vrijednosti nabavljenog aparata (maksimalni iznos podsticaja je do 300 KM) za poljoprivredne proizvođače koji nisu registrovali poljoprivrednu djelatnost.
  
3. Laktofrizi:
  - u iznosu do 50% vrijednosti laktofriza (maksimalni iznos podsticaja je do 3.000,00 KM) koji su registrovali poljoprivrednu djelatnost kao osnovnu ili dodatnu,
  - u iznosu do 30% vrijednosti laktofriza (maksimalni iznos podsticaja je do 2.000,00 KM) za poljoprivredne proizvođače koji nisu registrovali poljoprivrednu djelatnost.
  
4. Sistemi za navodnjavanje "kap po kap":
  - u iznosu do 50% vrijednosti sistema (maksimalni iznos podsticaja je do 550,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu,
  - u iznosu do 30% vrijednosti sistema (maksimalni iznos podsticaja je do 330,00 KM) za poljoprivredne proizvođače koji nisu registrovali poljoprivrednu djelatnost.
  
5. Motorne prskalice za zaštitu bilja sa spremnikom:
  - u iznosu do 50% vrijednosti prskalice (maksimalni iznos podsticaja je do 500,00 KM), za poljoprivredne proizvođače koji su registrovali poljoprivrednu djelatnost kao osnovnu ili dodatnu,
  - u iznosu do 30% vrijednosti prskalice (maksimalni iznos podsticaja je do 300,00 KM), za poljoprivredne proizvođače koji nisu registrovali poljoprivrednu djelatnost.
  
6. Oprema u pčelarstvu (vrcaljke, topionici za vosak, mašina za izradu satnih osnova):
  - u iznosu do 50% vrijednosti nabavljene pčelarske opreme (maksimalni iznos je 2.000,00 KM), za poljoprivredne proizvođače koji su registrovali poljoprivrednu djelatnost kao osnovnu djelatnost kao osnovnu ili dodatnu ,
  - u iznosu do 30% vrijednosti nabavljene pčelarske opreme (maksimalni iznos podsticaja je do 1.300,00 KM) za poljoprivredne proizvođače koji nisu registrovali poljoprivrednu djelatnost.

7. Sušnice za voće, povrće i ljekobilje, sortirke, sirarski kalupi, pakirke za voće, povrće i ljekobilje, hladnjače (panel i rashladni uređaji):
  - u iznosu do 50% od vrijednosti navedenih uređaja (maksimalni iznos je do 1.500,00 KM), za poljoprivredne proizvođače koji su registrovali poljoprivrednu djelatnost kao osnovnu ili dodatnu,
  - u iznosu do 30% od vrijednosti navedenih uređaja (maksimalni iznos podsticaja je do 900,00 KM), za poljoprivredne proizvođače koji nisu registrovali poljoprivrednu djelatnost.
8. UV plastenička folija:
  - u iznosu do 50% vrijednosti nabavljene UV folije za površinu platenika od 200m<sup>2</sup> (maksimalni iznos podsticaja je do 400,00 KM), za poljoprivredne proizvođače koji su registrovali poljoprivrednu djelatnost kao osnovnu ili dodatnu,
  - u iznosu do 30% vrijednosti nabavljene UV folije za površinu platenika od 200 m<sup>2</sup> (maksimalni iznos podsticaja je do 250 KM), za poljoprivredne proizvođače koji nisu registrovali poljoprivrednu djelatnost.

Podsticaj se može ostvariti samo po za jednu od gore navedenih stavki.

Grad Zenica će sa odabranim podnosiocima zahtjeva potpisati ugovore kojima će biti regulisana međusobna prava i obaveze.

Mehanizacija, priključci, aparati i druga oprema koja je nabavljena na lizing, polovna ili putem komisije prodaje neće se uzimati u razmatranje i zahtjev će biti odbijen.

Uz zahtjev za podsticaj podnosilac treba dostaviti sljedeću dokumentaciju:

1. Ovjerenu kopiju Rješenja o registraciji (za registrovane obrte) za navedenu djelatnost;
2. Račun o nabavci na ime podnosioca zahtjeva s fiskalnim računom za kupljenu mehanizaciju, priključke, aparate i drugu opremu (član 107. Pravilnika o primjeni zakona o porezu na dodatu vrijednost „Službeni glasnik, BiH“ br. 93/05, 21/06, 60/06, 6/07, 100/07, 38/08, 65/10), original ili ovjerena kopija,
3. Ovjerenu izjavu podnosioca zahtjeva da nabavljena mehanizacija, priključci, aparati i druga oprema u poljoprivredi neće biti prodana ili otuđena u periodu od 2 godine od trenutka dobijanja podsticaja,
4. Ovjerenu kućnu listu,
5. Za sve punoljetne članove domaćinstva potvrdu o mjesečnim primanjima (zadnja tri mjeseca), potvrdu zavoda za zapošljavanje ili potvrdu o školovanju,
6. Potvrdu o otvorenom aktivnom računu,
7. Uvjerenje o uplaćenim doprinosima od nadležne Porezne ispostave (original ili ovjerena kopija) ne stariju od 30 dana.

Rok za podnošenje zahtjeva je 30 dana od dana objavljivanja Javnog Poziva.

Predviđena sredstva za ovu namjenu 14.000,00 KM.

#### **B4 Sufinansiranje projekata iz oblasti poljoprivrede**

Sredstava su predviđena za učešće u projektima nevladinih, humanitarnih organizacija, a koji će omogućiti zapošljavanje i unapređenje poljoprivredne proizvodnje na području Grada. Grad učestvuje sa dijelom sredstava u zavisnosti od uslova koji su propisani pojedinim projektima.

Potrebna dokumentacija za ostvarivanje podsticaja će biti navedena u Javnom pozivu. Predviđena sredstva za ovu namjenu 25.000,00 KM.

#### **B5 Podsticaj za certificiranje organske proizvodnje**

Pravo na podsticaj za certificiranje organske poljoprivredne proizvodnje mogu ostvariti poljoprivredni proizvođači sa područja Grada Zenica koji su u postupku certifikiranja organske poljoprivredne proizvodnje, odnosno da posjeduju odluku o konverziji od ovlaštene certifikacijske kuće. Korisnik odobrenih sredstava se obavezuje da održava certificiranu organsku proizvodnju najmanje 4 godine od dana dobijanja podsticaja, a Grad Zenica se obavezuje da će korisniku podsticaja sufinansirati održavanje certificirane organske proizvodnje u periodu od 4 godine.

Potreba dokumentacija za ostvarivanje podsticaja će biti navedena u Javnom pozivu. Predviđena sredstva za ovu namjenu 500,00 KM.

#### **B6 Podsticaj za proizvođače slatkovodne ribe**

Pravo na podsticaj imaju poljoprivredni proizvođači sa područja Grada Zenica koji su upisani u RPG i RK, a koji se bave uzgojem slatkovodne ribe.

Visina podsticaja:

- iznosi 1.000,00 KM za podnosiocje zahtjeva koji su registrovali poljoprivrednu djelatnost kao osnovnu ili dodatnu;
- iznosi do 500,00KM/korisniku koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u Javnom pozivu. Predviđena sredstva za ovu namjenu 1. 500,00 KM.

#### **B7 Ugovorene obaveze prema korisnicima iz 2019 i 2020. godine**

Shodno potpisanim ugovorima o realizaciji podsticaja za refundaciju troškova obaveza doprinosa (PIO, zdravstveno osiguranje i osiguranje od nezaposlenosti) za registraciju poljoprivredne djelatnosti, obaveza Grada je da registrovanim poljoprivrednim proizvođačima iz 2019. i 2020. godini refundira obaveze za period od tri godine. Sredstva iz ove tačke će se isplatiti i drugim preuzetim obavezama iz 2020. godine koja se nisu mogla iz objektivnih razloga realizovati do kraja prethodne godine.

Predviđena sredstva za ovu namjenu 4.000,00 KM.

## STUPANJE NA SNAGU

Ovaj Program stupa na snagu danom donošenja istog, a biti će objavljen u „Službenim novinama Grada Zenica“.

Broj: 01-45-3663/21  
Zenica, 22.02.2021. godine



PREDSJEDAVAJUĆI  
GRADSKOG VIJEĆA ZENICA

Almir Babajić

DOSTAVLJENO:

1x Gradonačelnik

(putem Službe kabineta Gradonačelnika)

1x Služba za privredu i upravljanje razvojem

1x „Službene novine Grada Zenica“

1x u spis Vijeća